


DEN AMBIENTE



Aldrick Croes:

"MI TA SATISFECHO PA LOCUAL MI A HACI PA PRESENTA UN SHOW DI TAL MAGNITUD"

Keda pendiente pa mas sorpresa na caminda

DEN AMBIENTE tabata tin un entrevista cu Aldrick Croes, e persona cu a traha cu alma y cuerpo pa promove e espetacular dos concierto-nan di Gloria Estefan y Miami Sound Machine teni ultimo den Don Elias Mansur ball park. Aldrick a haña un luna pa setup e programa, y a haña instruccion pa prepara audio promocion pa radio, print promocion pa corantnan y TV promocion. Despues e la haña instruccion net un luna pa cuminsa promove e concierto di Gloria Estefan. E la considera e promocion aki hopi importante pasobra Gloria ta su artista favorito. E la tuma e encargo aki cu tur

e responsabilidanan cu ta requeri; ora bo tin tipo di promocionnan aki bo mester haci diferente cos e.o, supervisa e promocion, controla efectividad y a base di e informacion aki bo mester dirigi e campaña den e direccion cu e meta cu esaki mester sirbi. Durante e campaña di promocion tabata tin momentonan cu ta requeri hopi vision y creatividad. Esaki pa stimula e campaña den direccion positivo. E campaña tabata consisti di cinco fase; e noticia cu Gloria ta bin Aruba, cada fase a wordo planifica y detaya, e fase dos a wordo constituti di prensa tanto na Aruba y Curacao. E otro fasenan a

continua segun e plan di promocion. Pa su persona personalmente e tabata un di e plannan di promocion mas interesante cu e la yega di setup. E no por laga afor su compañia ECA su trahadornan cu tambe a desplega un trabao colectivo magnifico pa cordina tur cos, y un danki na su querida esposa pa tur su

pasenshi. Tur momento e tabata bon informa di ki tipo di show Gloria lo presenta na Aruba, un show balelapena pa mas tanto hende miré. Awor despues di e show, e ta convenci cu tur cu a bai no tin manera pa splica con satisfecho nan a keda. Na salida di e stadion hopi tabata esnan



Aki nos por aprecia Gloria Estefan ta pose pa saca un potret hunto cu Kevin Croes, yiu di Aldrick Croes. Porcierto un recuerdo inolvidable pa Kevin.

cu a aserce y bise cu ta bon mes nan a presente, sino nan no lo por a imagina nan mes perde e espetaculo aki cu a keda manera un sueño pa nan. Tambe tabata tin varios persona cu a bolbe bai e show, despues cu nan a mira cu nan propio wowo cu ta algo balelapena pa presencia. Tabata un sorpresa ora cu e la haña

instruccion pa bai den camerin di Gloria Estefan y siñe algun palabranan na papiamento cual e la expresa durante su show. Mi sincero pabien na La Cabana All Suite Resort y Royal Cabana Casino y e liderasco di Hall Williams. Keda pendiente pa mas sorpresanan grandi cu ta na caminda !!!



BODYGUARDNAN DI GLORIA ESTEFAN A BAHAN STRESS NA ARUBA

Tanto Gloria y Emilio Estefan, tambe e integrantenan di Miami Sound Machine a keda hopi contento cu e trato y atencion ricibi na Aruba. Esnan cu a keda mas contento tabata e bodyguardnan priva di Gloria. Despues di ta den un gira pa proteha Gloria pa mas di un aña caba, nan a caba di regresa for di Colombia y Venezuela hopi cansa, y Aruba tabata e isla ideal pa relaha y baha nan stress. Na Aruba nan no tabata tin mucho trabao pa haci compara cu otro paisnan grandi.

E bodyguard na man drechi di Gloria riba grafico ta di Scotland y a declara na DEN AMBIENTE cu e trabao ta mustra dushi, pero nan sa pasa den momentonan hopi dificil cu ta laga nan keda cu hopi stress. E ta hopi satisfecho cu e cooperacion cu nan a ricibi na Aruba, y a declara cu Aruba su hendenan ta e hendenan mas ordena y disciplina cu e la yega di traha cu ne durante henter nan gira Mundial cu awe porcierto lo bay termina na Puerto Rico.